

առաջնորդութեամբ իմով, այսմ դարմանել. այլ այժմ որ հանդերձեալս եմ գնալ, բան եղի ընդ եղբորս իմոյ, (ցուցանելով զպատրիարզն) գուն դնել այսմ, գոր ինչ ուսուցէ, և որպէս առաջնորդեսցէ ձեզ, լուիջիք իբրև իմոյ բերանոյ: Եւ դարձեալ խօսեցեալ է առ իշխանս, թէ էս զգաւանութեանս իմոյ թուղթ գրեցի առ զահն հոմայ, բայց յերթալս իմում, կամիմ գրել միւսանգամ զլիագոյնն... Զփոյթ կալեալ ըստ հրամանի Գերարգութեանդ, գնեցի զտպեալ գիրս ոմանս, որք ոչ գտանէին առ մեզ. և բաց յայնմանէ զոմանս պիտանի ձեռագիր գրեանս ի գրեանցն մաղաքիայի, որոց առաջինն է Սարգիս շնորհալուոյն մեկնութիւնն կաթուղիկեայց ձեռագիր՝ փառակազմ արծաթագարդ, յորում շատ որոնեալ ոչ գտի զայն վրիպակ բանսն, որ ի տպագրի ածին. վասն ոչ հայելով ի ծախսն, գնեցի զայն 18 խոռչի. մանաւանդ զի յաւելեալ էր յայն և այլ գիրք մեկնութեան կաթուղիկեայց արարեալ ի հնագոյն սրբոց հարց, նշանակելով զիրարքանչիւրոց անունն: Երկրորդն մեկնութիւն չորեքտասան թղթոց պօղոսի արքերալ ի յօհաննէ ոսկեբերանէ և յեփրեմէ ասորոյ: Երրորդն մեկնութիւն յետուայ դատաւորաց, թագաւորաց և դանիէլի, հաւաքեալ ի մեկնութեանց սրբոց հարց: Չորրորդն գիրք եւագրի զվարուց. Հինգերորդն, գիրք նիկիոյ և կոստանդնուպօլսի ժողովոցն, թարգմանեալ. Վեցերորդն, Ոսկիփորիկ անուն. գիրք խրատոց և կանոնաց գրեալ վաղնջուց, որ է իբրու բարոյականն Հայոց, յորում են և կանոնք առաքելոց: Եօթներորդն ձեռագիր շարական մի պատուական, և տօմար և տօնացոյց ձեռագիր: Զայս ամենայն գնեցի, մեծագոյն մասամբ փոխանակելով ընդ գրեանց, և սակաւ մի ևս դրամով: Խօկ ի մէջ տպագրեալ գրեանց գրնեցի զպօղոս տարոնացոյն գիրս լի հակառակաբանութեամբ, որ ոչ գտանիւր ի ցանկի: Այլ և զբուզանդ... Զմայր մաշտոցն դեռ որոնեմ. և զամենայն, գոր միանգամ յանձնեալ է գերարգութիւնդ ի թղթի, անմոռաց փութամ կատարել... Զամի տեառն 1753 Նոյ. 30

Յամի տեառն 1753 Նոյ. 30
[Կ. Պոլիս]

Ամենապատիւ հայրութեանդ
Տրուպ ծառայ Հ. Վրթանէս [Ասկէրեանց]

ՃԼԱ.

Պոլսոյ մէջ պատահած հսկայ հրդեհի մը նկարագրութիւնը կը կարդանք հետեւեալ նամակին մէջ:

Յարգոյապատիւ և գերապայծառ տեառն տեառն Ստեփաննոսի
վարդապետի և արքայնօր խնդալ ի տեր

... ի Թ.երրորդ մարտի ի մէջ գիշերի... չոգայ ի սամաթիա. ահա ել հուր մեծ ի գործարանաց տպարարաց, այսինքն պատմանոց, որք արտաքոյ պարսպի վըլանկայի առ ծովեզերքն, և բորբոքեալ ի շնչելոյ սաստիկ հողմոյ հարաւայնոյ այրեաց զամենայն շինուածսն զայնոսիկ, և անտի անցեալ յայսկոյս ի ներքս պարսպին վառեցաւ վաղվաղակի իբրև զժամս ութ, և այրեաց աւելի քան զերեք հազար տունս, յորոց բազումք էին տունք հայոց՝ մանաւանդ ուղղափառաց. զի այրեաց ի պարսպէ անտի, այսինքն ի հիսարտիպէ մինչև ի զքնտանտելէն համամն, և մինչև ի մուսալլայ, և ի ճիւղէ չէմէն, և անդր ևս մօտ յեկեղեցին հայոց: Բազումն այրեցան կենդանոյն ի հուր անդր, և բազումք մազապուր մերկանդամ զերծեալ անկան յաղքատութիւն մեծ: Անդ էր տեսանել զողորմ աղէտի իբրև զօր դատաստանի գյանկարծակի թշուառութեանն պատուհաս, ծերոց և տղայոց, մանկամարդաց և հիւանդաց, զի կէսք կոխան լինէին և կէսք ի հուր կիզուին վասն գիշերոյն մթութեան և վասն հողմոյն սաստիկ շնչելոյ, և վասն տանց խտութեան և ճանապարհացն անձկութեան: Խօկ ժանտախտն դեռ կայ մնայ ի պէկօղլու, ուր բազումք մեռան ի փրանկաց և ի յունաց...:

Յամի տեառն 1754 Մարտի 13
ի կոստանդինուպօլիս

Անպիտան ծառայ
Հ. Իգնատիոս [Խաչատուրեան]